



Broj: 14-11-545/26
Vogošća, 25.05.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 25.05.2026. godine donio je

ODLUKU O IZBORU NAJPOVOLJNIJEG PONUĐAČA ZA NABAVKU I ISPORUKU IT OPREME

Član 1.

Ponuda ponuđača "SCS" d.o.o. Vogošća, ulica Partizanskog odreda Zvijezda br. 54 A, Vogošća, odabrana je za nabavku i isporuku IT opreme, kao prvoplasirana na Rang listi, sa ponuđenom ukupnom cijenom nabavke u iznosu od 41.999,95 KM bez uračunatog PDV-a, odnosno 49.139,94 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 27.04.2026. godine donio Odluku o pokretanju Otvorenog postupka za nabavku i isporuku IT opreme zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 27.04.2026. godine pod brojem: 1353-1-1-100-3-96/26.

Tendersku dokumentaciju sa Portala javnih nabavki BiH je preuzelo 36 (tridesetšest) ponuđača. Krajnji rok za dostavu ponuda bio je 20.05.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 20.05.2026. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-545/26 iz aprila 2026. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1.	"EMADO" d.o.o. Sarajevo	41.960,00	/	/	49.093,20
2.	"FIXIT" d.o.o. Sarajevo	42.000,00	/	/	49.140,00
3.	"SCS" d.o.o. Vogošća	41.999,95	/	/	49.139,94

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača „EMADO“ d.o.o. Sarajevo nije u skladu sa Tenderskom dokumentacijom, jer obrazac za cijenu ponude nije pravilno popunjen. Naime, na stranici 8. Ponude – obrazac za cijenu ponude Aneks 2, za stavku 2 UPS u tenderskoj dokumentaciji navedeno je:

„Vrijeme rada (upisati koliko minuta nakon nestanka el energije može raditi PC predviđene ulazne snage 550 W)“.

Dakle u tenderskoj dokumentaciji je zahtjevao da ponuđač upiše vrijeme u kojem PC predviđene ulazne snage 550 W može raditi nakon nestanka električne energije, ali je ponuđač propustio da upiše taj podatak

Shodno navedenom, ponuda ponuđača „EMADO“ d.o.o. Sarajevo je ocijenjena kao nepravilna, u skladu sa odredbom člana 2. stav I alineja 3 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) i kao takva nije prihvatljiva za ugovorni organ.

Ponuda ponuđača „FIXIT“ d.o.o. Sarajevo nije u skladu sa Tenderskom dokumentacijom, jer obrazac za cijenu ponude nije pravilno popunjen. Naime, na stranici 23. Ponude – obrazac za cijenu ponude Aneks 2, za stavku 3 „MIŠ I TASTATURA“ ponuđač nije upisao naziv proizvođača za miš i tastaturu koje nudi u svojoj ponudi.

Ponuda ponuđača „FIXIT“ d.o.o. Sarajevo je neprihvatljiva jer ponuđač nije ispunio kvalifikacioni uslov postavljen tenderskom dokumentacijom koji se odnosi na tehničku i profesionalnu sposobnost ponuđača.

Naime, tačka 7.4.1. Tenderske dokumentacije propisuje osnovne uslove tehničke i profesionalne sposobnosti, i to:

- da je u posljednje 3 (tri) godina računajući od dana podnošenja ponude, kao dobavljač realizovao **minimalno jedan ugovor** čiji je karakter i kompleksnost isti ili sličan onom koji se odnosi na predmetnu nabavku (nabavka IT opreme) u **ukupnom iznosu od 42.000,00 KM bez uračunatog PDV-a ili više pojedinačnih ugovora u ukupnom zbiru od 42.000,00 KM bez uračunatog PDV-a.**

Tačka 7.4.2. Tenderske dokumentacije propisuje koje dokaze su ponuđači dužni dostaviti u svrhu dokazivanja ispunjenosti uslova iz tačke 7.4.1. i to:

- spisak izvršenih ugovora u ukupnom iznosu od **42.000,00 KM bez uračunatog PDV-a** u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ukoliko se potvrde o izvršenim radovima ne mogu obezbijediti iz objektivnih razloga, ponuđač će dostaviti izjavu o uredno izvršenim poslovima uz predočenje dokaza o učinjenim pokušajima da se takve potvrde osiguraju.

Napomena I: Dokazi koji se dostavljaju moraju biti originali ili ovjerene kopije.

Napomena II: Potvrda o izvršenim ugovorima koju izdaje druga ugovorna strana (naručilac) obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Ponuđač „FIXIT“ d.o.o. Sarajevo je dostavio spisak izvršenih ugovora sa potvrdom o uspješnoj realizaciji ugovora izdatu od druge ugovorne strane u ukupnom iznosu od 41.794,00 KM, a Tenderskom dokumentacijom je traženo 42.000,00 KM.

Shodno navedenom, ponuda ponuđača „FIXIT“ d.o.o. Sarajevo je ocijenjena kao neprihvatljiva i nepracilna jer nije u skladu sa Tenderskom dokumentacijom, odnosno ne ispunjava kriterije za kvalifikaciju privrednog subjekta, u skladu sa odredbom člana 2. stav 1 alineja 2 i alineja 3 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača:

- "SCS" d.o.o. Vogošća

ispunjava formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon svega iznesenog, Komisija za javne nabavke je sačinila Rang listu u Otvorenom postupku nabavke i isporuke IT opreme kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1.	"SCS" d.o.o. Vogošća	41.999,95	49.139,94

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača SCS" d.o.o. Vogošća, za nabavku i isporuku IT opreme, kao prvoplasiranom na Rang listi, sa ponuđenom ukupnom cijenom nabavke u iznosu od 41.999,95 KM bez uračunatog PDV-a, odnosno 49.139,94 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

OPĆINSKI NAČELNIK

Migdad Hasanović

Dostavljeno:

1. „EMADO“ d.o.o. Sarajevo
2. „FIXIT“ d.o.o. Sarajevo
3. „SCS“ d.o.o. Vogošća
4. Nadležnoj Službi
5. U dosije
6. a/a

tenderi@emado.ba
tenderi@fixit.ba
info@scs.ba

Akt izradila: Meliha Čolpa

Akt kontrolisala: Đejna Sarač

Akt odobrila: Đejna Sarač

DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA